



Rimnada sistemática da dretg communal dalla Vischnaunca da Sagogn

Nummera **8200.01.03**
 8200.02.01

Tetel **Uorden da taxas per vias d'uaul**

Ediziun Ediziun dils 18.02.2024

 Ediziun dils 16.04.2015
 Revisiun dils 13.10.2013
 Revisiun dils 27.02.2013
 Ediziun dils 03.02.1997

Valeivel 05.03.2024

Remarcas preliminaras

Ord motivs da simplificaziun serefereschán indicaziuns da persunas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

Cuntegn

I. Disposiziuns generalas	3
II. Determinaziuns finalas	4

I. DISPOSIZIUNS GENERALAS

Relaschau sebasond sil artechel 6 dalla lescha da vias d'uaul.

Taxas

Art. 1

¹ Per lubientschas da carrar vegnan incassadas suandantas taxas:

- a) Lubientscha annuala per vehichels a motor tochen 3,5 t peisa totala Fr. 60.--
- b) Lubientscha per ina jamna per vehichels a motor tochen 3,5 t peisa totala Fr. 30.--
- c) Lubientscha dil gi per vehichels a motor tochen 3,5 t peisa totala Fr 15.--
- d) Motos e velos a motor pagan la mesadad.
- e) Vehichels a motor sur 3,5 t peisa pagan il dubel.

² En cass spezials sa la suprastonza communal fixar taxas pauschalas.

³ Las taxas ein da pagar cun la cassa da parcadis a Punteglias ni sin canzlia.

Marcar ils vehichels

Art. 2

¹ Lubientschas sin pupi ston vegnir messas bein vesiblas en il vehichel tier la finiastra davon.

² La lubientscha vala mo per il vehichel numnau ed ei buc transferabla.

Cass specials**Art. 3**

¹ Per vehichels sur 3,5 tonnas che vegnan nezzegiai per viadis en dimensiun augmentada sa la suprastanza communal fixar – sper la taxa da lubientscha – ina contribuziun supplementara adequata per il manteniment dallas vias.

² Sche vias d'uaul vegnan nezzegiadas duront in temps pli lung (p. ex. per construir edifizis privats ni semegliant), sche ein ils utilisaders dallas vias responsabels per donns che vegnan eventualmain caschunai vid quellas. En tals cass sto il stan dallas vias vegnir protocollaus ordavon e confirmaus cun suttrascriziun dils utilisaders.

II. DETERMINAZIUNS FINALAS**Vigur****Art. 4**

¹ Quei uorden entra en vigur cun l'approbaziun dalla suprastanza communal.

² Quei uorden remplazza tuts uordens anteriurs.

Ediziun approvada dalla Suprastanza communal ils	05.03.2024
Ediziun approvada dalla Radunonza communal ils	-
Ediziun approvada dalla Regenza dil cantun GR ils	-